



Protection visa hem for olketa asylum seeker

Osem staka kantri, Australia garem olketa difren visa wea offerim protection for olketa asylum seeker.

Protection visa (subclass 866) allowim man wea bae safa nogud from persecution or nara danger lo hom kantri bilong hem for stap lo Australia. Protection visa hem no for pipol wea just laek stay for waka lo Australia.

You kanot apply for Protection visa bifor iu arrive lo Australia. Iu mas stap finis lo Australia and iu garem visa wea immigration checkim taem iu arrive lo Australia.

Protection visa application process barava change for shortim processing taem. Olketa disaedem staka visa application 8 taems faster winim bifor. Diswan minim olketa appruvim kwiktaem application for pipol wea needim Protection visa and olketa kwikaem no appruvim people wea apply for Protection visa just for waka or stay lo Australia.

No apply for Protection visa if iu no needim protection blo Australia. Mifala kwiktaem no appruvim application wea shud no kam anda Protection visa.

If iu tingting for apply for Protection visa (subclass 866), bae gud for iu kasem [free legal help](#) from wanfala specialist refugee and immigration legal provider.

- [Visa processing wea faster](#)
- [Protection hem for olketa asylum seeker](#)
- [Free legal help](#)
- [Olketa Responsibility blo Iu](#)
- [Travel restrictions](#)
- [Faendem raet advice](#)
- [Keakea lo olketa illegal operators](#)
- [If olketa refusim Protection visa blo iu](#)
- [If iu stay lo Australia without wanfala valid visa](#)
- [Olketa nara visa option](#)
- [Kasem help if visa blo iu klosap expire](#)
- [Help wea available for visa application](#)

Visa processing wea faster

Olketa niu change wea gavman wakem hem mekem processing taem for staka Protection visa (subclass 866) hem 8 taems moa fast winim bifer.

If iu no needim sefty lo Australia, or no showim klia iu needim Protection visa, bae mifala kwiktaem no appruvim application blo iu.

Olketa nara kaen visa maet fitim need blo iu. For faendem visa wea fitim iu, [Explore your options](#).

Protection hem for olketa asylum seeker

Protection visa hem for pipol (or famili member) wea bae safa or kasem persecution lo hom kantri bikos lo:

- Race
- Religion
- Nationality
- social group man joinim
- political opinion

Iu save apply for visa if iu stap finis lo Australia and garem visa wea immigration checkim taem iu arrive.

No apply for Protection visa if iu just laek stap lo Australia for waka for selen.

Namba blo olketa Protection visa application olketa no appruvim hem moa big winim olketa wea olketa appruvim. Winim 85% lo olketa application olketa no appruvim bikos hem no kam anda Protection visa. Samfala kantri olketa no appruvim klosap 100% wea apply.

If olketa no appruvim Protection visa application blo iu and visa blo iu expire, iu mas lusim Australia. If visa blo iu expire, olketa bae aotim iu from Australia.

Visa application wea no apruv bae stap lo immigration record blo iu for full laef blo iu. Hem save mekem moa hard for iu and famili blo iu visitim Australia enitaem lo future and save affectim visa application blo iu for eni nara kantri, wea depend lo kaen visa iu apply for hem.

Taem iu apply for Protection visa hem bikos iu needim asylum lo Australia from hom kantri blo iu.

If iu apply for Protection visa, hem osem iu sei wan or tufala point lo daon hem tru abaotem iu:

- Iu kanot go bak lo hom kantri bikos olketa bae kilim iu or iu bae safa from persecution.
- Iu relative blo samwan wea talem tu diswan.

If you save go lo wanfala kantri and stap sef lo there (wea hem no hom kantri blo iu), bae olketa no givim iu Protection visa.

Iu shud only apply for Protection visa if iu needim asylum lo Australia.

Read moa abaotem [Australia's protection obligations](#).

Free legal help

If iu tingting for apply for Protection visa (subclass 866), hem bae gud fo iu fastaem kasem free legal help from wanfala specialist refugee and immigration legal provider.

Olketa legal provider lo state or territory blo iu:

State or Territory	Name	Website
Australian Capital Territory	Legal Aid ACT	www.legalaidact.org.au
New South Wales	Refugee Advice and Casework Service	www.racs.org.au
Northern Territory	Refugee Legal	www.refugeelegal.org.au
Queensland	Refugee and Immigration Legal Service	www.rails.org.au
South Australia	Legal Services Commission of SA	www.lsc.sa.gov.au
Tasmania	Tasmanian Refugee Legal Service	www.trls.org.au
Victoria	Refugee Legal	www.refugeelegal.org.au
Western Australia	Circle Green Community Legal	www.circlegreen.org.au

Olketa save helpem iu for:

- Save sapos iu kam anda Protection visa or maet nara taep visa
- Minim gud application process
- Minim gud wat save happen lo iu if olketa no appruvim Protection visa blo iu
- Raetem and lodgim Protection visa application If man needim help osem.

Iu save kasem tu free help from legal aid or eni komuniti legal centre lo state or territory iu stap.

Olketa Responsibility blo iu

Hem responsibility blo iu for meksua evriting insaed application blo iu hem tru and hem stret, nomata difren man na raetem and lodgim application.

Iu shud no letem difren man apply for Protection visa blo iu if iu no minim wanem na iu apply for hem and wanem information man raetem insaed application.

Olketa komuniti lo Australia garem important duty for helpem pipol wea tingting for apply for Protection visa kasem stret information. Insaed diswan hem for showim klia danger blo wei for givim information wea no tru or wea haedem truth and for kasem advice from migration adviser wea no register.

Hem serious samting if man givim information wea no tru or haedem truth or givim olketa laea documents, olsem fine wea kost big tumas, samting osem 10year lo prison, or tufala evriwan. Hem maet bae moa hard tu for iu and famili blo iu go bak lo Australia, nomata osem visitor, student, or temporary work visa anda lo [PALM scheme visa](#).

If man wea apply for Protection visa askem iu for raetem support leta for hem, iu shud duim only sapos iu save hem bae safe nogud from persecution or nara danger lo hom kantri bilong hem. Encouragem hem for readim [free legal help](#) from wanfala specialist refugee and immigration legal provider lo state or territory hem stap lo hem.

Travel restrictions

Taem iu apply for Protection visa, application blo iu save no appruv if iu travel lo kantri iu laekem protection blo Australia from, nomata if famili blo iu stap lo there.

If olketa givim iu Protection visa, bae iu no save travel lo kantri iu askem asylum from if gavman blo Australia no appruvim, nomata if famili blo iu stap lo there

Faendem raet advice

Advice for apply for Protection visa shud kam from olketa wea register, osem migration agents and Australian legal practitioners. Iu save askem help for olketa general immigration assistance from wanfala “exempt person”.

Wanfala “exempt person” hem man wea no register osem migration agent or legal practitioner bat hem:

- Man wea sapotim or sponsam iu
- Klos relative
- Parliamentarian
- Diplomat
- waka lo consular post
- member lo wanfala international organisation.

Man wea no registered migration agent or wanfala Australian legal practitioner mas no chargim iu fee for help olketa givim iu. Hem illegal for wanfala “exempt person” chargim eni fee.

Iu save check if samwan hem registered migration agent lo online register [Office of the Migration Agents Registration Authority \(OMARA\) website](#), or faendaot hao for kasem help from wanfala [Australian legal practitioner](#).

Read moa abaot [who can help you with your application lo Australia](#).

Faendaot [steps to choose a registered migration agent](#).

Iu shud no letem difren man apply for Protection visa blo iu if iu no minim wanem na iu apply for hem and wanem information man raetem insaed application. Iu mas meksua evriting insaed application blo iu hem tru, nomafa difren man na raetem and lodgim application blo iu.

Keakea lo olketa illegal operators

Hem brekem law for man chargim fee for migration advlce if hem no registered migration agent or Australian legal practitioner. Iu save kasem rong advice if iu iusim samwan wea no registered migration agent or wanfala lawyer lo Australia, wea save spoelem chance blo iu for stap lo Australia.

Olketa illegal operators staka taem putum services blo olketa lo social media and lo olketa online chat grup. Samfala taem olketa talem pipol wea apply for givim information wea laea or wea haedem truth or for givim olketa laea documents, and samfala chargim big selen for rong advice hia.

If samwan trae for givim iu immigration help osem wea brekem law, iu save talem mifala lo [Border Watch Online Report](#). Iu no havtu talem mifala nem blo iu.

If olketa refusim Protection visa blo iu

If olketa refusim Protection visa blo iu:

- iu bae need for lusim Australia if visa blo iu expire
- hem bae kamap hard for iu and famili blo iu for visitim Australia enitaem bihaen
- diswan bae stap lo immigration record blo iu for full laef blo iu
- hem save affectim visa application blo iu for eni nara kantri, wea depend lo kaen visa iu apply for hem.

If iu stay lo Australia without wanfala valid visa

Gavman blo Australia lukaotem and deportim pipol wea olketa refusim Protection visa application blo olketa, wea olketa no garem raet for stay lo Australia. Olketa duim osem for keepim gud immigration system blo Australia.

If olketa kasem iu and aotem iu from Australia bihaen olketa refusim Protection visa application blo iu, maet iu havtu peim back kost for olketa duim diswan. Hem save kostim staka thousand dollar.

Olketa nara visa option

Maet nara kaen visa fitim iu.

For save lo visa wea fitim iu, [Explore your options](#).

Kasem help if visa blo iu klosap expire

For faendaot if visa blo iu klosap expire or hem expire finis, raetem olketa detail blo iu insaed [Visa Entitlement Verification Online \(VEVO\)](#).

Status Resolution Service (SRS) save helpem iu if iu need for stretem olketa immigration information blo iu. Olketa SRS officer save:

- helpem iu kasem ansa for olketa samting wea blockem iu
- provaedem iu klia immigration process or options
- offerim iu bridging visa if hem fitim iu and visa blo iu expire.

Faendaot lo [Status Resolution Service](#).

Help wea available for visa application

Hem bae gud for iu faendem [free legal help](#) from olketa specialist refugee and immigration legal provider for faendaot if iu fit for apply for wanfala Protection visa.